

涪川縣鄉土志

上



涪川縣鄉土志目錄

卷之上

歷史類

沿革

政績類

興利

去害

聽訟

兵事類

寇黨

耆舊類

孝錄

友錄

睦錄

姍錄

任錄

卹錄

署涪川縣知縣恩麟編輯



歷史類

世運之升降物土之變遷城池河山之更易亦時寄其名靡代蔑有洧地古稱黃帝之墟軒轅近郊唐虞夏商周已遞變之郡於秦漢州於唐鎮於宋而卒縣於金元明因之以成治已數百年於茲矣其間鼎革相沿興衰頓殊不詳推參考欲於數千百年之後而知數千百以前之建置亦甚無由茲就舊志所載參酌古今之變詳細推考分列明晰庶閱洧乘者一望而瞭如指掌云

沿革

金興定二年夏四月始置洧川縣古黃帝之墟軒轅近郊

也

唐虞夏商屬豫州

周封太岳之後於許洧土隸焉

春秋鄭侵許洧遂歸鄭

戰國韓哀侯滅鄭魏惠王徙都大梁洧界韓魏之間

秦滅韓魏置潁川三川郡洧則南隸潁川北隸三川

漢初改三川郡為河南郡以洧之北隸河南者置苑陵縣

南隸潁川者屬許縣宣帝神爵三年析許縣之汲鄉置新

汲縣自是洧土乃分寄於苑陵新汲二縣之地

新莽時改苑陵為左亭洧地之屬苑陵者時有左亭之名

東漢改苑陵為菀陵屬司隸河南尹新汲仍舊屬潁川
三國魏苑陵屬河南郡新汲仍之

晉廢扶溝入新汲而復菀陵為苑陵洧之分居夫苑陵新
汲者依然

南北朝宋以苑陵屬滎陽郡新汲屬南梁郡東魏以苑陵
屬廣武郡新汲屬許昌郡洧則仍以苑陵新汲為名

隋開皇十六年陞為洧州置州牧於鄆陵洧土附焉大業
初洧州廢

唐武德四年置洧州於尉氏領尉氏扶溝鄆陵康陰新汲
苑陵歸化七縣貞觀元年州廢併省康陰新汲苑陵歸化

四縣洧於是分屬尉氏新鄭

五代及宋皆因唐舊制

金初置宋樓鎮立惠民倉屬尉氏至興定二年夏四月始
以宋樓鎮為洧川縣屬開封府

元改開封府為汴梁路總管府洧縣屬焉

明仍金制屬開封

國朝因之

政績類

詩之美召伯曰蔽芾甘棠勿剪勿伐蓋其遺澤所留雖去後而猶思慕不忘也周漢而下官師無傳雖斷碣殘碑僅存一二然無所考稽安知其善政之確有實驗耶自有明以迄

國朝洎始有職官志尹茲土者非卓魯之流即龔黃之類政績顯著聲稱卓卓屈指焉不可勝紀故謹就邇年來舊志所載與耳目所稔聞見編次如左

興利

元高宏字宏道大名人至太間為縣尹務在勸課農桑為民

廣積儲設教興學受業之士至庠舍不能容

明俞廷芳浙江處州人洪武初以舉人知縣事時兵燹後百姓流移存者十僅二三郊原曠野鞠為茂草公乃崇務德教還定安集民以徙至者諭以闢草萊懇荒田各為己業遠近樂就之初年不滿千季年乃至二千戶

李文字彥章雲南甯州人成化中舉於鄉令洧川留心蓄儲在縣七年積粟萬餘斛歲賑乏困不匱去三年歲大饑新令王曦出前所積粟散之存活無算

杜馴字克善山西徐溝人宏治癸丑進士知洧川至與父老約曰國有常賦吾不能為若輩請命若地方利害興革間

不敢不竭其愚吾受命君相來蒞爾土知有三尺法耳聞者莫不股慄兩造至前情偽立見梓其曲者朴而遣之民稱不寃尤留心學校嘗進諸弟子員考正文義宏治八年夏五月飛蝗蔽天萬姓驚悸公齊禱引罪蝗竟不入涇境築河防濬湖渠捍衛民田課民種樹復建倉庾九十餘楹數年儲粟亦萬餘斛緩急有賴秩滿擢揚州府同知

李光遠字續祖直隸平山縣人嘉靖八年知涇川時承均田檄躬履畝畝視土壤肥瘠區分五等定其賦額民咸便之

國朝王秉彝字心吾蓋州人順治五年以貢生授涇川知縣時鼎革後流亡未復田野未墾民多梗頑公乃招集流亡戢

姦禁暴創立法度修隄防造渡船百廢俱興蓋不愧古之循良云

魚飛漢字仲陞陝西高陵人順治九年以進士令涇川性惇厚持大體以躬行化導為先甫下車即捐俸新文廟修奎樓嚴課士子一時人文蔚然興起又復招撫流亡數百戶開墾荒田二百頃勸農桑為民興利民樂附之

張世綬字瞿父直隸大興籍江南華亭人舉孝廉任涇十四年寬猛得宜視民間利病切於身受嘗纂邑乘叙人物實跡無溢美設義學延名師董教暇即親臨與諸生講學諱諂不倦城南洎河道係通衢涉者多病乃捐貲修橋涉者

咸嘉賴之因美其名曰惠民橋

許彥坦滿洲鑲藍旗人以筆帖式為洧川令實心任事銳意恤民修城鑿池悉捐廉俸驛遞清需索之弊里甲無返呼之聲士民德之以迴避去

范基祚字述人湖廣黃岡縣人康熙乙酉以進士任洧川性骨鯁不阿決斷如流邑至戊午後不發科者三十年公立社課士留心教育見泮池散漫即浚鑿之移照壁於池南俾風藏脈聚戊子後舉鄉薦捷南宮者翩翩日盛蓋皆公之力云

孫和相字越薪山東諸城舉人乾隆癸亥知洧川存心仁愛吏治通敏甫下車見城池湮淤即邀紳耆議修築工費按畝受貲不假手胥吏捐修義學延師設教暇即躬臨課藝以示鼓勵時縣志久缺未修乃捐貲開館延紳纂輯在洧四年案無停牘弊絕風清以能調繁中牟去之日百姓扶老携幼哭送數十里

譚昌緒四川西昌縣人乾隆丙午舉人大挑試用授洧川令慈祥愛人實惠及民民樂愛之嘗大旱禱雨散髮徒跣泣下沾襟邑人感之至今稱道不衰焉

潘煥龍楚黃人以名進士奉命尹洧甫下車即於積牘立為釐剔俾民得歸務農且諭以訟之不可長民亦格遵教

化各安各業自是而險健之風頓息矣又慮科第寥落由於士風不振乃與士子嚴立課程捐廉給獎以勵士心一時人文蔚起舉鄉薦者日以盛洧人德之建生祠於隍廟西側

楊修田字竹農山東海豐縣舉人咸豐五年令洧川時捻匪為亂車馬差徭陸續不絕至許境每過棧民甚苦之公親押車赴許見州牧面詰以無禮狀責其班役與彼都人士約不復使洧車過棧民咸便之洧陽書院久經廢缺士子考課無定所公下車觀風課士即慨然為與築計以舊有義學積款二千串復倡捐率紳董修葺廣招基址置田畝

定租課以充常年膏火經費士子爭附甲乙胥獲獎勵數十年後考課制藝皆被公之餘澤即今官立高等小學堂猶藉址基於此云

葉建順天大興人由國子生於同治己巳攝洧篆最重文教以洧陽書院款項微少膏資不豐復自捐廉俸優加獎勵每月給發制錢數十千文以津貼士子膏火經費凡課士之日具穀饌必衣冠親視俾士子咸知體統所在不敢自卑一時考課諸生皆立品制行自圖奮發公有以鼓勵之功居多也

彭鳳皋江蘇長洲縣人道光丙午舉於鄉同治辛未攝縣事

心地慈祥吏治通敏尤工制藝捐廉課士從優獎勵一同
葉公惟與士子改課澤加厚焉每課除列前茅者改作外
另擬兩藝以示觀摩一時士子文法規模胥被公之陶成
較親師友為益切也此邦人文之興楊公啟於前葉公鼓
於後彭公成於終藉楊公之基址得葉公之榮名受彭公
之實惠作人養士蓄德儲才為洵興利孰大於是蓋俛仰
前後數十年於三公僅見之焉

去害

侯九臣字元忠山西翼城舉人隆慶二年任涓川時涓城傾圮不蔽雞犬公乃計民田多寡為城廣狹表以尋丈而區分之課民自築民樂趣役不數月而告竣明年大雨城完如故而陂澤河流交溢互浸淹沒民田十之九公目擊涕流而倉儲適空徧謁諸大姓勸捐得萬餘斛以賑民初涓水流南郭外輒潰隄嚙城蕩民室廬歲役丁夫數千人葺隄芟楛之費以不貲計因買民田百七十餘畝鑿渠控道徙河流自盧家口東南直下不復浸南郭歲省民財數百千緡河亦安流無橫溢患士民德之若更生然

李尚志萬曆間由鄉薦知涓事時有巨盜名大紅二紅者朝廷知名所在拒捕設法緝之獲於斷頭崗側歲壬子涓水泛漲勢若懷襄涓城五門官舍民廬湮沒一空公乃捐貲勸諭重新五門高其基址易以石環築重隄徧栽榆柳以防河患超陞膠州府知府

沈惟耀字滄洲湖廣孝感人崇禎二年任涓川不畏強禦以剔弊除奸為己任時宗室強悍有名紅者尤橫多聚無賴一方騷動公乃立擒其徒數人斃杖下黨乃散一境肅安任甫半載以艱去未竟其施涓民惜之

王大作字邃子山西曲沃進士康熙丁未知斯縣正直端方
本學問為經濟藥言鐸書二冊勸民興治時民逃地荒公
多方招撫復業者千餘家邑舊制四方二十四保至萬厯
間省作二坊十五保地畝多寡懸殊賦役不均公乃請於
大僚酌地之厚薄均徭賦併作八保民無偏苦至今仍之
城西南龍王坡村有白猿祠蠱惑居民令毀其像建文昌
閣妖氛遽熄修雙洎橋立養濟院濬河開渠勸農課桑務
在正人心維風俗有裨民生諸善政指不勝屈在洧十年
飲冰自矢執法如山吏民畏而愛之治行推第一

楊士元字恂菴江甯進士康熙丙辰知洧川會直寇魁為虐

設壇步禱雨乍霈流寓楊某死子幼惡少數輩強奪其媳
嫁豪右而分其財按捕之楊夫婦復得完聚其他善政亦
動合人情為一時循良冠超陞沔陽州知州

王承露字挹菴山東益都進士康熙庚申尹洧川時有夥盜
為鄉閭害直搗巢穴俱置之法奸宄屏跡遠近肅然

周師望字右公直隸滄州人康熙辛酉知縣事時有無賴李
體亮結聚凶徒恣為不軌立拘之斃杖下黨惡悉除治洧
八年稱嚴明焉

常琬字英懷號慎齋湖南長沙進士雍正甲寅任洧川立除
繭絲苛政賀子坡巨浸也此水決城郭盡滄鄔扶俱受其

害構訟久之碑禁開挖有尉棍毀碑弛禁挖有日矣有民
徬徨莫措公閱卷相形剖陳利害白上游已其事有邸扶
三邑均感德製送萬民衣傘

裕勳字子猷正黃旗舉人同治甲戌蒞縣任光緒丁丑值旱
荒心關災黎瘡痍開倉賑民惟恐富與貧爭食甚至矯枉
過正頗招怨聲而防盜尤嚴各街修柵欄門交更即鎖閉
二鼓時躬親巡夜直至五鼓始就署寢凶年饑歲絕無雞
犬之盜城內清靜四境肅然非公莫辦也為民苦心可謂
至矣

嚴楷字少膺江西舉人光緒戊戌署洧川性情和悅政事簡
明期年內地方清靜百姓畫一城內洧水自乙未決口未
曾修築連年水患不絕辛酉夏復大水暴發三十餘丈城
周圍受水兩岸居民皆被災房屋坍塌無算沿河數十里
田苗盡滄百姓呼庚癸甚為可憫公蒞斯縣即開倉賑民
是秋遂捐俸以為紳董倡修隄防河患以寢

吳文坦字平如直隸大興縣拔貢光緒庚子署斯縣時多無
賴惡棍勾通差役移屍圖訛甚有兄斃其弟子斃其母移
富戶門首索詐錢財一經官檢驗動傾家產公蒞任遇此
等案即飭令壓埋僅付一棺由官發價八百文且必根究
移屍之人嚴行杖責惡風頓息又有惡紳武斷鄉曲包攬

詞訟刁買賤贓公皆暗地熟悉一經人告發即行詳革而
惡紳亦皆藏首不敢滋事署洧年餘政聲卓著以能調繁
郟城去之日出平餘八百千文買穀實倉為賑民計士人
感激戴之如青天依若父母去後百姓追思製送牌匾及
萬民衣傘至省垣

聽訟

張勳湖廣均州人宏治壬戌進士筮仕涓川時有殺人者不得主名公齋沐禱於神已而就寢夢寐若有告者覺而憶其名追錄之一訊即服人稱神明旁邑有疑獄多來質成部使者爭材之徵拜御史稱名士

衛綸字理之山西潞城人由國子生知涓川天性明敏任事果決民以訟牒至庭片言立判無能售其詐者近邑有疑讞當道多以移涓許州王天祿新鄭蒲華皆以殺人坐死商水婦黃氏以毆姑坐斬久寃莫白公審其情力雪之人稱神明在涓三年擢布政司理問

李芳字世華直隸邯鄲縣人萬歷初舉於鄉筮仕涓川強毅聰察微知人陰事一言而聽者竦息初涓有博徒羣聚闌闌間日夜呼廬不止一擲數十緡傾橐不恤也公廉知其情誅一警百餘黨悉散一時盜賊無敢入涓境者發奸摘伏諸廢俱舉時以神明頌之

國朝

趙仔敦字淡齋江南湖陽人乾隆元年尹性剛直不撓權勢而聽訟卻甚詳審凡民以事至庭始以和顏開諭之繼以怒色罷斥之反覆推勘務使民歸於無訟而後已至民生利害有宜陳請者慷慨無所疑畏公正廉明涓民德之

陳史字丙齋陝西張掖舉人由鹽大使任縣事胸次灑落處事精詳有所興革推誠布公與民相信以心而聽訟尤良凡民以事至庭立判曲直咸稱不冤至權衡乃其餘事在洧四年民甚賴之以才遷懷慶河內縣

姚詩中廣東番禺縣人由國子生於同治庚午攝斯縣氣質溫和處事精當尤善聽訟有范姓者為地畝鄰控比鄰數戶久年不決家產幾傾公親臨其地丈量數言立判責范某永不攪擾此案遂結以故四鄉有地畝不清者皆呈請丈量一訊即明每逢三、八日放告公親臨堂外坐候民以訟牒至先審其虛實實者剋日傳訊不許差役私索虛者

即斥去絕不假手胥吏在洧數月政簡刑清民咸頌德越十餘年公之胞姪禮咸公重攝洧篆聽訟一蹈公之前轍僉謂閭閻家傳雖較公少遜而尹茲土者亦數十年來所未有也

兵事類

史乘載災異之變不一而兵事尤其變之甚者也蓋民生之安危國運之盛衰土地之變遷物類之興敗胥於是而覘其幾焉洎為汴豫內地即兩河腹心流寇猖獗洎多受其滋擾況當南北之衝而為湖廣荆襄之通衢乎地雖彈丸而兵禍屢逢春秋鄭見諸經史者無論矣漢唐以來有宋及元明代有其變故畧誌原委俾後之人知所戒惕云
寇黨

元人敗金將陳和尚於禹山進圍汴道經洧川

明洪武元年徐達等兵定中原洧川守將招討千戶關子善

以城降

正德七年河北寇趙燧等圍洧城不克掠其村落焚殺過半
崇禎十四年冬流寇李自成以其眾來犯知縣柴薦禔率兵民守禦城陷死之賊焚毀以空

國朝

咸豐九年己未冬亳州土匪龔瞎子擁眾數萬入縣境大肆劫掠邑令賀熙年奔長葛 先是亳州土匪龔瞎子張樂行孫葵心等招納亡命到處劫掠官兵收服尋復為賊愈撲愈眾已成燎原於是年十月至洧境洧城年久失修難資守禦邑令聞驚奔長葛居民僉謂西北林木深處可

避兵皆盡室以行相率膺至賊偵知突至掩之由新密折而南下東至邑西清河橋夾長葛至陘山百餘里焚燒村疇裹脅人民劫掠牲畜衣物無算十一月儒學訓導張輔之率武生朱熒庚等招集附近居民修城垣置槍械以為守禦計焉

咸豐十一年辛酉春二月亳州土匪復大至秋八月又至皆自北南竄城先後戒嚴

二月初一日賊由尉氏入洧川大夥出邑西偏數十里自辰至午蟻附而進行次漸近城濠沿上將逼西門乃繞向西南有馬賊數人按轡徐行直過西門外守門者開炮擊

之未能命中賊怒放火洩忿燒南關房屋幾盡賊專事劫掠不多殺人惟頭點馬多悍賊是日全莊居民全進才負病弟進城甫出即為所執兄弟皆遇害吳崗寨東切近老虎李村有高樓賊登樓暗用火鎗自樓窗向擊斃守寨數人是年正月初一日賊掩入湖止黃坡縣城盤踞多日蹂躪居民搜括財物所獲既多裹脅亦眾每於脅從面上墨刺自來投等字預防逃逸至是沿路逃散每為各寨堡所執誤作奸細殺之其實漢黃語音與潁亳迥異無難辨也奈人心思逞不察真偽致彼民不死於裹脅之日而死於脫逃之時哀哉